

BOSNA I HERCEGOVINA
FEDERACIJA BIH
TUZLANSKI KANTON
MINISTARSTVO ZA BORAČKA PITANJA



BOSNIA AND HERZEGOVINA
FEDERATION OF B&H
TUZLA CANTON
MINISTRY OF VETERANS AFFAIRS

Rudarska 65. 75000 Tuzla, BIH, Tel.: (+ 387) 35 369 401, Fax: 369 405, e-mail: minbp@tk.kim.ba, web site: www.vladatk.go

PRAVILNIK
o utvrđivanju uslova i postupka za odobravanje lijekova, sanitetskog materijala i
dezinfekcionih sredstava ratnim vojnim invalidima Tuzlanskog kantona

Tuzla, decembar, 2017.godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), člana 5. i 8. Zakona o dopunskim pravima branilaca i članova njihovih porodica (prečišćeni tekst) ("Službene novine Tuzlanskog kantona", br.: 5/12, 5/14 i 12/16) i člana 36. i 37. Odluke o proširenom obimu prava iz oblasti zdravstvene zaštite branitelja i članova njihovih porodica (prečišćeni tekst) ("Službene novine Tuzlanskog kantona", br.: 6/12, 2/15, 13/16 i 17/17), Ministar za boračka pitanja Tuzlanskog kantona donosi

P R A V I L N I K

o utvrđivanju uslova i postupka za odobravanje lijekova, sanitetskog materijala i dezinfekcionih sredstava ratnim vojnim invalidima Tuzlanskog kantona

I Opće odredbe

Član 1.

(Predmet Pravilnika)

Ovim Pravilnikom utvrđuju se uslovi i postupak za odobravanje lijekova, sanitetskog materijala i dezinfekcionih sredstava, korisnici prava, finansijska sredstava, organi koji odlučuju, način korištenja sredstava, kao i druga pitanja iz navedene oblasti.

Član 2.

(Korisnici prava)

Ratni vojni invalid ima pravo na sve lijekove, sanitetski materijal i dezinfekciona sredstva, koji su registrovani u Bosni i Hercegovini, a neophodni su za liječenje rana, povreda, ozljeda, bolesti ili pogoršanja bolesti, zadobijenih u toku služenja u Oružanim snagama Bosne i Hercegovine.

Član 3.

(Finansijska sredstva)

(1) Finansijska sredstva za lijekove, sanitetski materijal i dezinfekciona sredstva obezbjeđuju se u Budžetu Tuzlanskog kantona, a raspoređuju se u skladu sa Programom koji donosi Vlada Tuzlanskog kantona (u daljem tekstu: Vlada Kantona) za svaku budžetsku godinu.

(2) Pravo iz stava (1) ovog člana ostvaruje se u skladu sa raspoloživim budžetskim sredstavima.

II Uslovi i dokazi za odobravanje lijekova, sanitetskog materijala i dezinfekcionih sredstava

Član 4.

(Uslovi za ostvarivanje prava)

Pravo na odobravanje lijekova, sanitetskog materijala i dezinfekcionih sredstava ratni vojni invalid može stvariti samo pod uslovom da dokaže:

- a) braniteljski status,
- b) postojanje rane, povrede, ozljede, bolesti ili pogoršanja bolesti i
- c) neophodnost korištenja lijekova.

Član 5.

(Dokazna sredstva)

(1) Ratni vojni invalid braniteljski status dokazuje poslednjim rješenjem nadležnog organa izdatog u skladu sa važećim federalnim propisima iz oblasti boračko - invalidske zaštite, poslednje rješenja izdato u postupku zakonske revizije/kontrole zakonitost.

(2) Postojanje rane, povrede, ozljede, bolesti ili pogoršanja bolesti ratni vojni invalid dokazuje nalazom i mišljenjem o utvrđenom procentu vojnog invaliditeta izdatim od Instituta za medicinsko vještećanje u postupku revizije/kontrole zakonitosti.

(3) Neophodnost korištenja lijekova ratni vojni invalid dokazuje putem odgovarajuće medicinske dokumentacije.

(4) Lijekove propisuje ljekar porodične medicine, uz obavezu propisivanja lijekova sa Esencijalne liste lijekova Tuzlanskog kantona.

III Postupak razmatranja zahtjeva i odlučivanja

Član 6

(Imenovanje vanjskog saradnika)

Ministar za boračka pitanja (u daljem tekstu:Ministar) u saradnji sa Ministarstvom zdravlja Tuzlanskog kantona, imenuje ljekara, kao vanjskog saradnika (u daljem tekstu: ovlaštenu ljekara), koji za potrebe Ministarstva vrši kontrolu i nadzor nad lijekovima, sanitetskim materijalom i dezinfekcionim sredstvima, propisanim od strane ljekara porodične medicine, u svrhu donošenja odgovarajućeg rješenja.

Član 7.

(Podnošenje zahtjeva i potrebna dokumentacija)

(1) Odobravanje lijekova, sanitetskog materijala i dezinfekcionih sredstava vrši se na osnovu pismenog zahtjeva čiji obrazac (Obrazac 1.), se nalazi u prilogu ovog Pravilnika.

(2) Ratni vojni invalid ima pravo na nabavku lijekova, sanitetskog materijala i dezinfekcionih sredstava isključivo za jednomjesečnu upotrebu.

(3) Zahtjev sa potrebnom dokumentacijom koja je propisana u Prilogu ovog Pravilnika i čini njegov sastavni dio, podnosi se putem nadležne općinske službe (u daljem tekstu: Služba), prema mjestu prebivališta ratnog vojnog invalida.

(4) Služba je obavezna kompletirati zahtjev ratnog vojnog invalida sa dokumentacijom navedenom u Prilogu popisa, a ovjerena fotokopija podrazumjeva ovjeru od strane službene osobe koja vodi postupak.

Član 8.

(Postupanje Službe po nekompletnom zahtjevu)

(1) Zahtjev koji ne sadrži potrebnu dokumentaciju, iz člana 7. stav (3) ovog Pravilnika, neće se razmatrati i isti će biti odbačen zaključkom Službe.

(2) Na zaključak, iz stava (1) ovoga člana, ratni vojni invalid ima pravo prigovora Ministru, u roku od 8 dana, od dana prijema istog.

(3) Ministar je obavezan odlučiti u roku od 15 dana od dana prijema prigovora.

(4) Rješenje po prigovoru je konačno.

Član 9.

(Nadzor)

(1) Zahtjev koji sadrži potpunu dokumentaciju Služba je obavezna, najkasnije u roku od 8 dana, od dana podnošenja zahtjeva, dostaviti Ministarstvu, na postupak upravnog i stručnog (medicinskog) nadzora.

(2) Nakon izvršenog upravnog nadzora, ovlaštenu ljekara prema priloženoj medicinskoj dokumentaciji vrši stručni (medicinski) nadzor.

Član 10.

(Rješenje)

(1) Na osnovu izvršenog stručnog (medicinskog) nadzora, Ministarstvo donosi odgovarajuće rješenje.

(2) Rješenje iz stava (1) ovoga člana potpisuje pomoćnik ministra za ekonomsko-finansijske i opšte poslove ili u njegovoj odsutnosti pomoćnik ministra za pravna i socijalno-statusna pitanja.

Član 11.**(Pravo na podnošenje žalbe)**

- (1) Na rješenje iz člana 10. stav (2) ovoga Pravilnika, ratni vojni invalid ima pravo žalbe Ministru.
- (2) Žalba se podnosi u roku od 15 dana od dana prijema rješenja.
- (3) Ministar je obavezan u roku od 15 dana, od dana prijema žalbe, donijeti Rješenje po žalbi.
- (4) Rješenje Ministra je konačno.

IV Način korištenja sredstava**Član 12.****(Način isplate sredstava)**

Isplata se vrši na način da se sredstva za nabavku lijekova uplate na žiro račun apoteke iz koje je dostavljen predračun.

V Prelazne i završne odredbe**Član 13.****(Obaveza vođenja evidencija)**

- (1) Službe su obavezne voditi evidenciju o svim korisnicima prava u skladu sa Zakonom.
- (2) Ovaj Pravilnik su obavezne primjenjivati Službe, osim u slučajevima kada te Službe raspožu sredstvima koja su obezbijedena u općinskim budžetima za te svrhe.

Član 14.**(Postupak izmjena i dopuna i tumačenje Pravilnika)**

- (1) Izmjene i dopune ovog Pravilnika se vrše na način i po postupku koji važi za njegovo donošenje.
- (2) Tumačenje odredaba ovog Pravilnika daje Ministar.

Član 15.**(Stupanje na snagu propisa)**

- (1) Stupanjem na snagu ovoga Pravilnika prestaje da važi Pravilnik o kriterijima i postupku za odobravanje lijekova ratnim vojnim invalidima broj: 15/2-02-008100/15 od 27.03.2015. godine.
- (2) Postupci započeti po odredbama ranijeg Pravilnika, imaju se okončati po podredbama navedenog Pravilnika.
- (3) Ovaj Pravilnik stupa na snagu danom donošenja, a primjenjivat će se od 01.01.2018. godine.

BOSNA I HERCEGOVINA
 Federacija Bosne i Hercegovine
 TUZLANSKI KANTON
 Ministarstvo za boračka pitanja
 T U Z L A

Broj: 15/1- 02-03107h 17
 Tuzla, 14.12.2017.godine



MINISTAR

Fahrudin Skopljak, dipl.ecc.

Obrazac 1.

(prezime, ime oca i JMBG)

(adresa stanovanja-ulica, broj, poštanski broj i mjesto)

(broj kontakt telefona)

(datum podnošenja zahtjeva)

MINISTARSTVO ZA BORAČKA PITANJA TUZLANSKOG KANTONA

Ulica Rudarka ,broj 65. 75 000 Tuzla

putem

Služba za boračko – invalidsku zaštitu općine _____

PREDMET: Zahtjev za nabavku lijekova / sanitetskog materijala / dezinfekcionih sredstava

Obzirom da imam status ratnog vojnog invalida _____%, _____grupa vojnog invaliditeta, i kao takav shodno odredbama člana 36. a u vezi sa članom 37. Odluke o proširenom obimu prava iz oblasti zdravstvene zaštite branitelja i članova njihovih porodica, imam pravo za nabavku lijekova / sanitetskog materijala / dezinfekcionih sredstava, molim Naslov da mi odobri nabavku:

1. lijekova,
2. sanitetskog materijala,
3. dezinfekcionog/ih sredstva

(zaokružiti potrebnu nabavku).

Ratni sam vojni invalid po osnovu _____

(navesti osnov: rana, povreda, ozljeda, bolesti ili pogoršanja bolesti)

Uz zahtjev prilažem potrebnu dokumentaciju utvrđenu Pravilnikom, i to:

svojeručni potpis podnosioca zahtjeva

PRILOG

**Popis potrebne dokumentacije uz zahtjev
za nabavku lijekova / sanitetskog materijala / dezinfekcionih sredstava**

Redni broj:	Naziv dokumenta	Organ koji izdaje dokument	Dokument pribavlja
1.	Rješenje o priznatom svojstvu ratnog vojnog invalida (u postupku zakonske revizije/kontrole zakonitost) - <i>original ili ovjerena fotokopija</i>	Općinska služba za boračko invalidsku zaštitu	Općinska služba za boračko invalidsku zaštitu
2.	Nalaz i mišljenja o utvrđenom procentu vojnog invaliditeta, izdatim od Instituta za medicinsko vještećanje u postupku revizije / kontrole zakonitosti - <i>original ili ovjerena fotokopija</i>	Općinska služba za boračko invalidsku zaštitu	Općinska služba za boračko invalidsku zaštitu
3.	Original ili ovjerena fotokopija predračuna iz apoteke	Ovlaštene registrovane apoteke	Ratni vojni invalid
4.	Ovjerena fotokopija nalaza i mišljenje ljekara specijaliste o potrebi lijekova za liječenje rana, povreda, ozljeda ili bolesti, zadobijenih u toku služenja u OS BiH	Nadležna zdravstvena ustanova	Ratni vojni invalid
5.	Recepti izdati u skladu sa Pravilnikom o izdavanju recepata (original ili ovjerena fotokopija)	Nadležna zdravstvena ustanova	Ratni vojni invalid